

Sarajevo, 16.9.2019.godine

Segmedina Srna Bajramović
Delegatkinja u Domu naroda PFBiHZA:
BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA PARLAMENTA FEDERACIJE BiH
n/r Predsjedavajućeg Doma naroda Parlamenta FBiH

Federacija Bosne i Hercegovine
PARLAMENT FEDERACIJE
SARAJEVO

Primljeno:	17-09-2019		
Org. jed.	02 - 02 - 1779	Priloga	Vrijednost

U skladu sa članom 164. Poslovnika o radu Doma naroda Parlamenta Federacije Bosne i Hercegovine, podnosim:

**PRIJEDLOG ZA DONOŠENJE ZAKONA O IZMJENAMA I DOPUNAMA KRIVIČNOG ZAKONA
FBiH PO SKRAĆENOM POSTUPKU**


S obzirom da nisu u pitanju složene i opsežne izmjene i dopune zakona, predlažem da se na osnovu člana 164. Poslovnika o radu Doma naroda Parlamenta Federacije BiH ovaj zakon razmatra i donese po skraćenom postupku bez nacrtu zakona.

Molim vas da tekst Prijedloga zakona uputite Vladi Federacije BiH radi dostavljanja mišljenja u poslovničkom roku od 30 dana.

U prilogu Vam dostavljam tekst Prijedlog zakona

S poštovanjem,

Segmedina Srna Bajramović
delegatkinja u Domu naroda PFBiH



BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SEGMEDINA SRNA BAJRAMOVIĆ, DELEGATKINJA

(PRIJEDLOG)

ZAKON
O IZMJENI I DOPUNI KRIVIČNOG ZAKONA FEDERACIJE BOSNE I
HERCEGOVINE
(SKRAĆENI POSTUPAK)

Sarajevo, septembar 2019.godine

**PRIJEDLOG ZA DONOŠENJE ZAKONA O IZMJENAMA I DOPUNAMA
KRIVIČNOG ZAKONA FBiH PO SKRAĆENOM POSTUPKU**

S obzirom da nisu u pitanju složene i opsežne izmjene i dopune zakona, predlažem da se na osnovu člana 164. Poslovnika o radu Doma naroda Parlamenta Federacije BiH ovaj zakon razmatra i donese po skraćenom postupku bez nacrtu zakona.

PRIJEDLOG ZA DONOŠENJE ZAKONA O IZMJENAMA I DOPUNAMA KRIVIČNOG ZAKONA FBiH PO SKRAĆENOM POSTUPKU

Član 1.

U članu 2. stav 3. iza riječi "Općina" dodaju se riječi "kao i ustanova socijalne zaštite"... (u ostalom dijelu ovog stava tekst ostaje nepromijenjen.)

OBRAZLOŽENJE:

I – PRAVNI OSNOV

Ustavnopravni osnov za donošenje ovog zakona sadržan je u odredbi člana IV.A.20. (1) d) Ustava Federacije Bosne i Hercegovine, kojim je propisano, da je Parlament Federacije Bosne i Hercegovine nadležan za donošenje Zakona o vršenju funkcije federalne vlasti.

II. – RAZLOZI ZA DONOŠENJE ZAKONA

Centar za socijalni rad (U Sarajevu, putem Službi socijalne zaštite) u okviru redovne djelatnosti, kao prvostepeni organ, primjenjujući odredbe ZUP-a, obavlja upravne, stručne i druge poslove u okviru prava koja su data u nadležnost od strane osnivača (Kantona). Tako, kao I-stepeni organ, čiji zaposlenici **nemaju svojstvo službene osobe donosi Rješenja**, o kojima po žalbi odlučuje II-stepeni organ Kanton ili Federacija, čiji zaposlenici imaju status **službenih osoba**.

Pored donošenja Rješenja i provođenja postupaka po ZUP-u, zaposlenici Centra, u okviru redovne djelatnosti **izlaze na teren, na kojem obavljaju određene uvidajne radnje, a nemaju svojstvo službenih osoba**.

Također, u svim **sudskim postupcima (prema ZKP, KZ I ZIKS-a)** u kojima su zaposlenici Centra u obavezi da prisustvuju ročištima i daju stručna mišljenja ili izvršavaju izrečene krivične sankcije (jer se prema odredbama kantonalnog ZIKS-a Centar određuje i kao organ izvršenja krivičnih sankcija) ne postupaju kao službena lica, iako mišljenja daju ispred organa starateljstva, a u tim postupcima sudije imaju svojstvo službene osobe. (Radi se o visoko rizičnim postupcima u kojima stručni radnici nemaju zaštitu službenih osoba, za razliku od sudija koji su kao službene osobe zaštićeni i napad na njih predstavlja krivično djelo, a napade na zaposlenike Centra isti moraju dokazivati u privatnim sudskim postupcima-parničnim postupcima). U ovim postupcima iako se istupa ispred Ustanove, daju se svoji podaci, a ne podaci ustanove ili službe.

Isto se odnosi i kada na poziv Centra dođu predstavnici policije (službene osobe), koji umjesto podataka o službi i odgovornom licu Centra, uzimaju lične podatke zaposlenika koji je tražio intervenciju sa ličnim podacima - ime, prezime, adresa stanovanja, iako se radi o službenoj radnji i službenom postupanju, čime su ti lični podaci učinjeni dostupnim najčešće visokorizičnim kategorijama korisnika (osobe

sklone najtežem kriminalitetu, duševni bolesnici počinioci krivičnih djela, agresivne osobe u okviru porodične patologije i nasilja isl.).

Također, provođenje izrečene odgojne mjere prema maloljetnicima, kao i postupci nasilja u porodici su rizični poslovi, u kojima bi zaposlenici bili zaštićeniji kada bi postupali kao službene osobe i tako se tretirali, kao i u svim drugim poslovima iz djelatnosti Centra, jer se nesumnjivo radi o službenim radnjama i provođenju službenih radnji iz okvira izvršavanja propisanih javnih ovlasti koje spadaju u kategoriju visokog rizika.

Iz naprijed navedenih razloga, predlažemo izmjene i dopune člana 2. stav 3. Krivičnog zakona F BiH.

Ovom izmjenom i dopunom člana 2. Stav 3. Krivičnog zakona F BiH, na zaposlenike Centra bi se primjenjivali i članovi 358-361. ovog Zakona.

III. – FINANSIJSKA SREDSTVA

Za provođenje ovog zakona nije potrebno osigurati dodatna finansijska sredstva u Budžetu Federacije BiH.

Izvod člana 2. zakona koji se mjenja:

Član 2

Značaj izraza u ovom zakonu

- (1) Krivično zakonodavstvo u Federaciji sačinjavaju krivičnopravne odredbe sadržane u ovom zakonu, drugim zakonima Federacije i zakonima kantona.*
- (2) Teritorija Federacije je kopnena teritorija, obalno more i vodene površine unutar njenih granica, te zračni prostor nad njima.*
- (3) Službena osoba je izabrani ili imenovani službenik ili druga službena osoba u organima zakonodavne, izvršne i sudske vlasti i u drugim organima uprave i službama za upravu Federacije, kantona, gradova i općina koje obavljaju određene upravne, stručne i druge poslove u okviru prava i dužnosti vlasti koja ih je osnovala; osoba koja stalno ili povremeno vrši službenu dužnost u navedenim organima i tijelima; ovlašćena osoba u privrednom društvu ili u drugoj pravnoj osobi kojoj je zakonom ili drugim propisom donesenim na osnovu zakona povjereno obavljanje javnih ovlašćenja, a koja u okviru tih ovlasti obavlja određenu funkcija; te druga osoba koja obavlja određenu službenu funkcija na osnovu ovlašćenja iz zakona ili drugog propisa donesenog na osnovu zakona.*
- (4) Vojna osoba, u smislu ovog Zakona, je profesionalna vojna osoba i osoba u rezervnom sastavu dok je na službi u Oružanim snagama Bosne i Hercegovine, u skladu sa Zakonom o službi u Oružanim snagama Bosne i Hercegovine.*